

# basic education

Department:
Basic Education
REPUBLIC OF SOUTH AFRICA

# NASIONALE SENIOR SERTIFIKAAT

**GRAAD 12** 

**AFRIKAANS HUISTAAL V3** 

**NOVEMBER 2016** 

**MEMORANDUM** 

**PUNTE: 100** 

Hierdie memorandum bestaan uit 11 bladsye.

#### ALGEMENE ASSESSERINGSRIGLYNE

# AFDELING A: OPSTEL

AFDELING A word volgens die rubriek uit 50 geassesseer. Die kandidaat mag slegs oor EEN onderwerp of prikkel skryf. Hy/sy mag enige tipe opstel, toepaslik volgens hoe hy/sy die onderwerp interpreteer, skryf. Slegs die finale poging word nagesien. Indien dit onduidelik is wat die finale poging is, word die eerste opstel nagesien.

#### **NASIENRIGLYNE**

Dui aan die einde van die opstel die kodes soos volg aan:

#### Voorbeeld:

Inhoud:
Taal, styl en redigering:

Struktuur:

Skryf dan die totaal van die opstel aan die regterkant (onder die opstel).

I = Kh = 22

T = KI = 10

S = K = 4

Dra die punt uit 50 oor na die BEGIN van die opstel (behoort by die beplanningsgedeelte te wees).

#### DIE FORMAAT VAN DIE OPSTEL

- **Inleiding:** Dit is gewoonlik een paragraaf waarin die onderwerp bekendgestel word. Dit behoort treffend, relevant, saaklik en kort te wees.
- **Liggaam:** Dit is verskeie paragrawe waarvan die eerste sinne gewoonlik die hoofgedagte bevat. Die daaropvolgende sinne is ter ondersteuning van die hoofgedagtes en is menings van die skrywer. Die laaste sinne bevat gewoonlik die samevatting van die hoofgedagte.
- **Slot:** Dit is die laaste paragraaf wat die opsomming van die skrywer se mening of sy/haar standpunt insluit. In die geval van 'n verhalende, beskrywende en bespiegelende opstel vat die slot die skryfstuk saam, terwyl 'n argumenterende en beredeneerde opstel se slot die skrywer se finale standpunt/mening weerspieël.

#### **VRAAG 1**

# Riglyne

Assesseer die opstel, sonder vooroordeel, <u>vanuit die kandidaat se oogpunt en volgens sy/haar interpretasie</u>. Hierdie moontlikhede (onderstaande memorandum) mag nie as bindend beskou word nie. Die kandidaat bied dus enige soort opstel aan, **byvoorbeeld**:

# 1.1 Dit was toe nie 'n doodgewone dag nie!

Die kandidaat kan die verloop van 'n dag wat alles behalwe doodgewoon was, beskryf. As verhaal kan die kandidaat skryf oor onverwagte gebeure/'n gebeurtenis wat 'n doodgewone dag in sy/haar/'n karakter/karakters se lewe verrassend verander het. Die kandidaat kan 'n bespiegelende opstel aanbied wat fokus op sy/haar emosies en belewing van insidente wat kleur aan doodgewone dae gee. Daar kan ook geargumenteer/beredeneer word dat 'n doodgewone dag nie werklik so doodgewoon is nie.

[50]

# 1.2 Die aand toe Ouma begin dans het

Hierdie onderwerp kan lei tot verskeie interpretasies wat onder andere **verhalend**, **bespiegelend** of **beskrywend** kan wees. 'n **Verhaal** sal op hierdie onderwerp as tema fokus in 'n verhaal van 'n ouma wat nooit gedans het nie/in die openbaar gedans het nie/vir 'n bepaalde ruk nie gedans het nie en hierdie aand dans/leer om te dans/'n nuwe dans probeer. Op 'n figuurlike vlak kan dit die verhaal wees van 'n ouma se vreugde. By 'n **bespiegelende** interpretasie kan hierdie onderwerp op 'n lewensles fokus, bv. dat 'n mens byvoorbeeld nooit te oud is om te dans (die lewe te geniet) nie. Indien die kandidaat skryf dat dit vreugde in Ouma se lewe gebring het om te dans, kan dit as 'n **beskrywende** opstel aanvaar word.

[50]

# 1.3 Die Suid-Afrikaanse jeug word onderskat.

Hierdie onderwerp kan lei tot al die soorte opstelle. As 'n **verhalende** opstel kan die kandidaat byvoorbeeld skryf oor 'n jongmens wat onderskat is en die wêreld toe anders bewys het toe hy/sy iets groots reggekry het. In 'n **bespiegelende** opstel kan die kandidaat die redes ondersoek waarom die SA-jeug onderskat word. By 'n **argumenterende aanbieding** kan die kandidaat die leser oortuig dat die SA-jeug onderskat word. Die kandidaat kan ook hierdie kwessie **beredeneer**.

[50]

# 1.4 Die verste berge is die blouste ...

Kandidate kan die opstel as 'n **beskrywende** opstel aanbied waarin beskryf word hoe verskillende berge blouer word hoe verder 'n mens wegbeweeg. Die onderwerp kan figuurlik dui op drome en ideale wat besonder mooi is of die verlange na iets of iemand. Die **verhalende** opstel kan fokus op hoe hy/sy te werk gegaan het om by die verste berge uit te kom. In 'n **bespiegelende** opstel kan die kandidaat besin of dit sinvol is om drome en ideale te probeer verwesenlik/of dit wenslik is om die staptog na die verste berge aan te pak. Die belangrikheid van drome met die oog op die toekoms kan **beredeneer** word.

[50]

#### 1.5 **2017**

Die kandidaat kan hierdie onderwerp as 'n **verhalende** opstel aanbied en hierdie jaartal/syfers gebruik om 'n interessante storie te vertel. Die kandidaat kan in 'n **beskrywende** opstel omstandighede rondom hierdie jaartal/syfer beskryf: 2017 is bv. die jaar waarin die meeste kandidate die volwasse lewe/beroepswêreld/tersiêre studies sal betree; die kandidaat kan hierdie interessante aspek by sy/haar skryfwerk betrek. In 'n **bespiegelende** opstel kan die kandidaat besin oor die moontlikhede wat hierdie jaartal/syfer vir hom/haar inhou. As **beredenerende** en **argumenterende** opstel kan die kandidaat 'n saak uitmaak of 2017 positief of negatief gaan verloop.

[50]

#### 1.6.1 Kinders met bakkies

Interpretasies kan lei tot beskrywende, verhalende, bespiegelende en argumenterende/beredeneerde opstelle, bv. 'n beskrywing van kinders wat honger is en graag iets te ete wil hê. 'n Verhaal kan handel oor hoe kinders baie honger is en gelukkig genoeg is om in 'n situasie te beland waar iemand vir hul kos gee of oor kinders in slegte omstandighede. Hierdie onderwerp kan ook bespiegel hoekom elke mens die basiese reg het om behoorlike voeding te ontvang. In die argumenterende/beredenerende opstel, kan die kandidaat die maatskaplike kwessie van wanvoeding/hongersnood onder die loep neem.

[50]

#### 1.6.2 **X**

Die kandidaat kan hierdie opstel as 'n **verhalende** opstel aanbied om 'n interessante storie oor 'n letterlike kruisie te vertel. Die kandidaat kan ook in 'n verhaal na regte/verkeerde dinge/pleisters verwys. In 'n **beskrywende** opstel kan die kandidaat gebeure rondom die trek van 'n letterlike/figuurlike kruisie beskryf. Die kandidaat kan ook **bespiegel** rondom onderwerpe wat op verskeie vlakke met hierdie kruisie geassosieer kan word. As **beredenerende** en **argumenterende** opstel kan die kandidaat 'n saak uitmaak vir/teen kwessies rondom hierdie letterlike/figuurlike kruisie/insigte en/of wat hierdie kruisie by iemand mag tuisbring.

[50]

# 1.6.3 **Sonneblomme**

Die sonneblomme/natuur/positiewe mense/dinge in jou lewe kan in 'n **beskrywende** opstel beskryf word. In 'n **verhalende** opstel kan die kandidaat skryf hoe sonneblomme (letterlik/figuurlik) 'n belangrike rol in iemand se lewe gespeel het. Die noodsaaklikheid van 'n mooi omgewing/positiewe oomblikke kan **beredeneer** word. Die kandidaat kan ook **bespiegel** oor die omgewing/skoonheid van die natuur/mense wat jou positief beïnvloed. Hierdie onderwerp kan ook **geargumenteer** en **beredeneer** word as die kandidaat skryf oor die noodsaaklikheid, al dan nie, van positiewe invloede in jou lewe en die natuurskoon.

[50]

# **SOORTE OPSTELLE:**

#### **VERHALENDE OPSTEL**

Dit is 'n interessante vertelling van 'n storie/gebeurtenis(-se) (gewoonlik uit die verlede). Dit kan vanuit enige perspektief geskryf word.

# Hou die volgende in gedagte:

- Dit handel oor iets wat gebeur het en vertel word ('n storie of gebeurtenis).
- 'n Sterk oortuigende storielyn ontwikkel logies en die verhaal oortuig.
- Dit is opreg en met entoesiasme geskryf.
- Die inhoud is boeiend en interessant, dit oortuig en ontwikkel logies, daarom is die inhoud samehangend.
- Die verhaal word uit eie ervaring geskryf, maar kan fiktief wees.
- Karakterisering oortuig en die agtergrond/atmosfeer is geslaagd.
- 'n Treffende inleiding wat die leser boei, word aangebied.
- 'n Verrassende slot rond die inhoud af.
- Sinstruktuur, spelling, leestekens, taalgebruik en paragrafering moet aandag geniet.
- Dit gebruik gewoonlik die verlede tyd.

# **BESKRYWENDE OPSTEL**

Die skrywer beskryf iets/iemand soos hy/sy dit ervaar (dis moeilik om iets te beskryf wat nie eerstehands ervaar is nie) en stel die leser in staat om die onderwerp wat beskryf word, net so lewendig soos hy/sy te beleef.

# Hou die volgende in gedagte:

- Waarnemings met al vyf sintuie en 'n goeie woordeskat word vereis.
- Insig, begrip, 'n eie belewing en sinvolheid geniet aandag (dit is meer as net die opnoem van waarnemings).
- Tekste kan varieer van meer realisties tot 'n verdieping in die aanbieding.
- Eie gevoelens oor dit wat beskryf word, kan gegee word.
- Plekke en gebeure word presies en akkuraat beskryf.
- Karakters moet lewensgetrou wees: innerlik en uiterlik.
- Beeldspraak, idiome en spreekwoorde word oorspronklik aangewend.
- Sinstruktuur, spelling, leestekens, taalgebruik en paragrafering moet aandag geniet.
- Beskrywing het atmosfeer en stemming ten doel: dit word gedoen deur die konnotasie en nie die denotasie van woorde nie.
- Stylfigure kan gebruik word.

#### NSS - Memorandum

#### BEREDENERENDE OPSTEL

Dis objektief en probeer om 'n gebalanseerde gesigspunt van beide kante van 'n argument te gee. Die skrywer oorweeg verskeie aspekte van die onderwerp onder bespreking en bied teenstellende menings onpartydig aan. Die skrywer mag tot 'n spesifieke gevolgtrekking aan die einde van die opstel kom, maar die argumente vir en teen die onderwerp moet goed gebalanseerd en duidelik ontleed wees in die ontwikkeling van die opstel.

# Hou die volgende in gedagte:

- Die opstel handel oor 'n onderwerp waaroor standpunt, alreeds tydens die inleiding, ingeneem word.
- BEIDE kante van die argument moet beredeneer word.
- Die inhoud oortuig en ontwikkel logies en helder.
- Dit bevat goed gemotiveerde en ondersteunende stellings.
- 'n Gevolgtrekking word in die slotparagraaf, wat aansluit by die inleiding, gemaak. Die slot gee 'n sterk aanduiding van die skrywer se mening.
- Die leser word deur die skrywer se standpunt oortuig.
- Oorredende en emotiewe taalgebruik kom voor.
- Sinstruktuur, spelling, leestekens, taalgebruik en paragrafering moet aandag geniet.
- Hoewel objektief, kan die skrywer ook persoonlik raak.

# **BESPIEGELENDE OPSTEL**

Die skrywer oorweeg/deurdink 'n idee/lewenswaarheid en gee sy/haar emosionele reaksies en gevoelens weer. Dit bespiegel oor 'n droom of wense/moontlikhede.

# Hou die volgende in gedagte:

- Die probleem, situasie, saak, onderwerp word omskryf.
- Die onderwerp word bepeins, oordink: verskillende opsies word teen mekaar opgeweeg.
- Dis persoonlik van aard.
- Daar is 'n definitiewe struktuur, maar 'n gevolgtrekking is nie nodig nie.
- Dit hoef nie 'n gebalanseerde bespreking te bied nie dit kan humoristies of ernstig geskryf word.
- Sinstruktuur, spelling, leestekens, taalgebruik en paragrafering moet aandag geniet.

#### ARGUMENTERENDE OPSTEL

Die skrywer het 'n spesifieke mening en argumenteer daaroor om sy/haar standpunt te motiveer.

# Hou die volgende in gedagte:

- Dit is subjektief en definitiewe menings moet gestel word.
- 'n Eie mening word op 'n baie oorspronklike en treffende manier gegee.
- 'n Reeks argumente om perspektief te motiveer, word gegee.
- Verdediging of aanval van 'n saak word enduit volgehou.
- 'n Verskeidenheid stylfigure en oorredingstegnieke kan gebruik word.
- Sterk gevoelstaal wat emosioneel is, maar nie kru taal nie, kan gebruik word.
- Daar moet 'n duidelike en oortuigende slot wees.
- Sinstruktuur, spelling, leestekens, taalgebruik en paragrafering moet aandag geniet.

TOTAAL AFDELING A: 50

#### NSS - Memorandum

# AFDELING B: TRANSAKSIONELE TEKSTE

AFDELING B word volgens die rubriek uit 25 geassesseer. Slegs TWEE tekste word nagesien. Indien dit onduidelik is wat die finale poging is, word die eerste teks nagesien.

#### **NASIENRIGLYNE**

Dui aan die einde van die skryfstuk die kodes soos volg aan:

#### Voorbeeld:

Inhoud, beplanning en formaat:

I = K = 10

Taal, styl en redigering:

T = G = 6

Skryf dan die totaal van die skryfstuk aan die regterkant (onder die teks).

16

Dra die punt uit 25 oor na die BEGIN van die skryfstuk (behoort by die beplanningsgedeelte te wees).

#### VRAAG 2

Kies TWEE van die volgende opdragte en skryf skryfstukke van 180–200 woorde elk.

# 2.1 INFORMELE BRIEF: VRIENDSKAPLIKE BRIEF

Die brief se doelwit is oorreding: die briefskrywer behoort allerlei redes aan te voer waarom die beplande emigrasie nie moet plaasvind nie./waarom die skrywer se broer/suster in Suid-Afrika moet bly.

# Hou die volgende in gedagte:

- Informele taal, register en styl behoort gebruik te word.
- Beskrywende, maar eenvoudige taal behoort voor te kom.
- Die briefinhoud behoort logies en volgens bogenoemde doel uiteengesit te word.
- Die formaat van die brief is belangrik.
- Briewe behoort 'n inleiding, liggaam/inhoud en slot te hê.
- Die skrywer se adres en datum waarop die brief geskryf word, moet gegee word.
- Na die skrywer se adres behoort die informele aanhef te volg.
- Die brief behoort informeel afgesluit te word.

[25]

# 2.2 FORMELE BRIEF AAN DIE PERS

Die brief word aan die pers geskryf om standpunt in te neem ten opsigte van die toename van vuisgevegte in skole.

# Hou die volgende in gedagte:

- Die formaat is formeel: daar moet dus twee adresse wees. Die res van die brief se formaat moet korrek wees soos dit vir formele briewe geld.
- Die inhoud is baie belangrik, so ook die styl, struktuur en doel.
- Styl: Dit behoort saaklik, formeel, maar hoflik te wees.
- Skryf in eenvoudige, direkte taal.
- Die inleidingsin moet treffend wees en dadelik die leser se aandag trek.
- Die saak waaroor die brief handel, moet dadelik gestel word.
- Die saak moet objektief gestel word.

- Argumente word logies en beredeneerd gestel sonder om emosioneel betrokke te raak.
- Dis bloot 'n geleentheid om 'n saak te stel. Die redakteur/koerant kan nie self die probleem oplos nie.
- Geen mooiskrywery nie.
- Skryfstukke moet duidelik, op die man af en logies wees.
- Gebruik 'n formele register, bv. "u" i.p.v. "jy/jou".
- Sluit die brief formeel af en gee die skrywer se titel, voorletters en van.

[25]

# 2.3 HULDEBLYK

Die kandidaat bring hulde aan 'n vriend, Janneman, wat onlangs oorlede is. Die kandidate moet die huldeblyk met die volgende woorde begin: Janneman was baie meer as net 'n vriend. Hy was ...

# Hou die volgende in gedagte:

- Die oorledene se naam en van, adres, ouderdom, datum van afsterwe, plek waar die persoon oorlede is, oorsaak van dood, duur van siekte, name van gesinslede agtergelaat word gegee./kan gegee word.
- Prestasies/hoogtepunte/opleiding/gemeenskapsbetrokkenheid kan gegee word.
- Gebeurtenisse en staaltjies oor die oorledene, persoonlike herinneringe van familie en vriende kan genoem word. Die leser moet 'n duidelike beeld van die oorledene kan vorm en familie kan ook vertroos word.
- Dit wat Janneman besonders gemaak het, moet bespreek word.
- 'n Persoonlike boodskap soos 'n gedig kan bygevoeg word.
- Die taal, styl en register is formeel.
- Gebruik eufemismes, bv. sag heengegaan in plaas van gesterf.

[25]

# 2.4 INFORMELE VERSLAG

'n Leerder skryf 'n informele verslag oor sy/haar uitruilbesoek aan 'n ander skool.

# Hou die volgende in gedagte:

- Gee presiese terugvoering oor gebeure.
- Beplan, versamel en organiseer inligting; skryf oor feite.
- Gebruik semiformele taal, register en styl.
- Gebruik selfstandige naamwoorde/die derde persoon/feitelike beskrywings, tegniese woorde en frases.
- Dit moet geskik wees om tydens 'n personeelvergadering aan die personeel, wat die sukses van die uitruilooreenkoms moet evalueer, voorgelê te word.

[25]

#### 2.5 TYDSKRIFARTIKEL

In hierdie artikel neem die kandidaat die onderwerp, "Die ons-wil-als-hê-generasie", onder die loep.

# Hou die volgende in gedagte:

- In tydskrifartikels kom die persoonlike voorkeure en afkeure asook die spesifieke styl van die skrywer sterk na vore.
- Die styl moet persoonlik wees en direk tot die leser spreek.

Kopiereg voorbehou

- Die styl kan beskrywend en figuurlik wees en 'n beroep op lesers se verbeelding doen.
- Name, plekke, tye, gebeurlikhede, standpunte en enige ander besonderhede behoort ingesluit te word.
- Die artikel moet belangstelling wek en die leser boei.
- Daar is geen vaste formaat vir die tydskrifartikels nie.

[25]

# 2.6 **TOESPRAAK**

Tydens Onderwysersdag bedank 'n klasverteenwoordiger sy/haar spesiale onderwyser/onderwysers vir die belangrike rol wat hy/sy/hulle in sy/haar skoolloopbaan gespeel het.

# Hou die volgende in gedagte:

- Die kandidaat besluit self oor die styl wat gebruik gaan word. Gee aandag aan wanneer, waar, hoekom (doel), wie (gaste by die geleentheid) en wat.
- Inleiding moet belangstelling wek.
- Ontwikkel weldeurdagte idees en vermy clichés.
- Kort sinne met eenvoudige idees en bekende voorbeelde word gebruik.
- Slot moet die gehoor tot nadenke stem; is nie noodwendig 'n samevatting van die toespraak nie.
- Klem behoort te val op die bydrae wat die onderwyser(s) in die kandidaat se skoolloopbaan gemaak het.

[25]

TOTAAL AFDELING B: 50
GROOTTOTAAL: 100

# LET WEL:

- Gebruik altyd die rubriek by die nasien van die opstel (Vraestel 3, AFDELING A).
- Punte van 0–50 is in VYF hoofvlakomskrywings verdeel.
- Die kriteria vir Inhoud, Taal en Styl is verder in elk van die vyf vlakomskrywings in 'n hoë- en laevlaksubkategorie verdeel, met die toepaslike verspreiding van punte en die omskrywings.
- Struktuur word nie deur die verdeling in 'n hoë en lae vlak beïnvloed nie.

ASSESSERINGSRUBRIEK VIR OPSTEL - HUISTAAL [50 PUNTE]

Kriteria		Uitsonderlik	Knap	Gemiddeld	Elementêr	Onvoldoende
INHOUD &		28–30	22–24	16–18	10–12	4–6
BEPLANNING		-Respons is	-Respons baie goed;	-Respons bevredigend	-Wisselvallige	-Respons heeltemal
		uitsonderlik/treffend	getuig van vaardigheid	-Idees redelik	samehang in respons	irrelevant
(Respons en idees)		en bo verwagting	-Idees heeltemal	samehangend en	-Idees onduidelik, nie	-Idees deurmekaar en
Organisering van idees		-Idees is intelligent,	relevant, interessant	oortuigend	oorspronklik nie	nie op onderwerp
vir beplanning;	Hoë vlak	volwasse en	en lewer bewys van	-Redelike organisasie	-Min bewys van	gefokus nie
Bewustheid van doel,	:O)	stem leser tot	volwassenheid	en redelik	organisasie en	-Vaag en herhalend
gehoor en konteks	Ř	nadenke	-Organisasie baie	samehangend,	samehang	-Geen organisasie nie
		-Uitsonderlike	goed en	insluitend inleiding,		en is onsamehangend
30 PUNTE		organisasie en	samehangend,	liggaam en		
		samehang, insluitend	insluitend inleiding,	samevatting/slot		
		inleiding, liggaam en	liggaam en			
		samevatting/slot	samevatting/slot			
		25–27	19–21	13–15	7–9	0–3
		-Respons uitmuntend,	-Respons goed; getuig	-Respons	-Respons is grootliks	-Geen poging
		maar uitsonderlik	van vaardigheid	bevredigend, maar	irrelevant.	aangewend om in
		treffende eienskappe	-Idees relevant,	verval soms in	-Idees begin los staan	ooreenstemming met
	_	van 'n opstel ontbreek	interessant	onduidelikheid	en kan verwarrend	onderwerp te wees nie
	vlak	-Idees intelligent en	-Organisasie goed en	-Idees redelik	wees	-Heeltemal irrelevant
	ae v	volwasse	samehangend,	samehangend en	-Skaars 'n bewys van	en ontoepaslik
	La	-Knap organisasie en	insluitend inleiding,	oortuigend	organisasie en	-Deurmekaar en geen
		samehang, insluitend	liggaam en	-'n Mate van	samehang	fokus nie
		inleiding, liggaam en	samevatting/slot	organisasie en		
		samevatting/slot		samehang, insluitend		
				inleiding, liggaam en		
				samevatting/slot		

# ASSESSERINGSRUBRIEK VIR OPSTEL – HUISTAAL [50 PUNTE] (vervolg)

Kriteria		Uitsonderlik	Knap	Gemiddeld	Elementêr	Onvoldoende
TAAL, STYL &		14–15	11–12	8–9	5–6	0–3
REDIGERING		-Toon, register, styl en	-Toon, styl, register en	-Toon, register, styl en	-Toon, register, styl en	-Taal onverstaanbaar
		woordeskat hoogs	woordeskat baie	woordeskat gepas vir	woordeskat minder	-Toon, register, styl en
Toon, register, styl en		gepas vir doel, gehoor	gepas vir doel, gehoor	doel, gehoor en	gepas vir doel, gehoor	woordeskat nie gepas
woordeskat is geskik		en konteks	en konteks	konteks	en konteks	vir doel, gehoor en
vir doel/effek en	vlak	-Taalgebruik getuig	-Taalgebruik effektief	-Gepaste taalgebruik	-Taalgebruik baie	konteks nie
konteks;	:O)	van vertroue,	en 'n deurlopende	om betekenis oor te	basies	-Woordeskat so
Woordkeuse;	Hoë	indrukwekkend	gepaste toon word	dra	-Toon en woordkeuse	beperk dat dit
Taalgebruik en	_	-Toon retories treffend	gebruik	-Toon is gepas	skaars toepaslik	onmoontlik is om sin
konvensies,		en effektief	-Grammatika en	-Retoriese middele	-Baie beperkte	te maak
punktuasie,		-Grammatika en	spelling grootliks	gebruik om betekenis	woordeskat	
grammatika, spelling		spelling feitlik foutvry	foutvry	te versterk		
		-Knap gedaan	-Baie goed gedoen			
15 PUNTE		13	10	7	4	
		-Taalgebruik	-Taalgebruik toepaslik	-Voldoende	-Taalgebruik	
		uitstekend en toon is	en oor die algemeen	taalgebruik, maar	onvoldoende	
	¥	retories effektief	effektief	teenstrydighede word	-Weinig indien enige	
	vlak	-Grammatika en	-Toon gepas en	opgemerk	sinsverskeidenheid	
	Lae	spelling feitlik foutvry	effektief	-Toon oor die	-Woordeskat baie	
	Ľ	-Baie goed tot knap	-Enkele foute in	algemeen gepas en	beperk	
		gedaan	grammatika en	beperkte gebruik van		
			spelling	retoriese middele		
0.751.11.751.11.15		_	-Goed gedoen			
STRUKTUUR		5	4	3	2	0–1
Kammania wan tala		-Uitstekende	-Logiese ontwikkeling	-Relevante detail	-Sommige punte	-Noodsaaklike punte
Kenmerke van teks;		ontwikkeling van	van detail	ontwikkel	geldig	ontbreek
Paragraafontwikkeling		onderwerp	-Samehangend	-Sinne en paragrawe	-Sinne en paragrawe	-Sinne en paragrawe
en sinskonstruksie		-Uitsonderlike detail	-Sinne en paragrawe	goed gekonstrueer	foutief	foutief
E DUNTE		-Sinne en paragrawe	logies en toon variasie	-Opstel maak sin	-Opstel maak nog	-Opstel maak nie sin
5 PUNTE		uitsonderlik			effens sin	nie
		gekonstrueer				

# ASSESSERINGSRUBRIEK VIR TRANSAKSIONELE TEKSTE – HUISTAAL [25 PUNTE]

Kriteria	Uitsonderlik	Knap	Gemiddeld	Elementêr	Onvoldoende
INHOUD,	13–15	10–12	7–9	4–6	0–3
BEPLANNING &	-Respons	-Respons baie goed	-Respons voldoende	-Basiese respons	-Respons toon geen
FORMAAT	uitsonderlik, bo	en demonstreer goeie	en toon voldoende	toon geringe kennis	kennis van kenmerke
	verwagting	kennis van kenmerke	kennis van kenmerke	van kenmerke van die	van die soort teks nie
Respons en idees;	-Idees intelligent en	van die soort teks	van die soort teks	soort teks	-Betekenis onduidelik
Organisering van idees vir	volwasse	-Behou fokus – geen	-Nie heeltemal	-Aanduiding van	met groot afwyking
beplanning;	-Grondige kennis van	afwyking nie	gefokus nie – enkele	fokus, maar met	-Geen samehang in
Doel, gehoor,	kenmerke van die	-Samehang in inhoud	afwykings	afwykings	idees en inhoud nie
kenmerke/konvensies	soort teks	en idees; baie goed	-Redelike samehang	-Inhoud en idees nie	-Baie min detail
en konteks	-Skryfwerk behou	uitgebrei met detail	in inhoud en idees	altyd samehangend	ondersteun die
15 PUNTE	fokus	wat die onderwerp ondersteun	-Sommige detail ondersteun die	nie -Min detail	onderwerp
ISPUNIE	-Samehang in inhoud en idees	-Gepaste formaat met			-Nodige reëls van
	-Idees behoorlik	onbeduidende foute	onderwerp -Formaat oorwegend	ondersteun die onderwerp	formaat nie toegepas nie
	uitgebrei met detail	Officedulaeriae foate	gepas, maar met	-Nodige reëls van	THE
	wat die onderwerp		enkele foute	formaat vaagweg	
	ondersteun		Clikele loute	toegepas	
	-Gepaste en akkurate			-Kritiese foute begaan	
	formaat			Tantious route begaun	
TAAL, STYL &	9–10	7–8	5–6	3–4	0–2
REDIGERING	-Toon, register, styl	-Toon, register, styl	-Toon, register, styl	-Toon, register, styl	-Toon, register, styl
	en woordeskat hoogs	en woordeskat baie	en woordeskat is	en woordeskat	en woordeskat stem
Toon, register, styl,	geskik vir doel,	geskik vir doel,	geskik vir doel,	minder geskik vir	nie ooreen met doel,
doel/effek, gehoor en	gehoor en konteks	gehoor en konteks	gehoor en konteks	doel, gehoor en	gehoor en konteks
konteks;	-Grammatika	-Grammatika oor die	-Enkele	konteks	nie
Taalgebruik en konvensies;	akkuraat en goed	algemeen korrek en	grammatikafoute	-Grammatika	-Besaai met foute en
Woordkeuse;	gekonstrueer	goed gekonstrueer	-Voldoende	onakkuraat met etlike	verward
Punktuasie en spelling	-Feitlik foutloos	-Baie goeie	woordeskat	foute	-Woordeskat nie
40 DUNTE		woordeskat	-Foute belemmer nie	-Basiese woordeskat	geskik vir doel nie
10 PUNTE		-Oorwegend foutloos	betekenis nie	-Betekenis belemmer	-Betekenis ernstig belemmer